



392
8677
= 11






古今錢略卷十九

望江倪模述



外國品下

銀金赤黃銅洋錢凡七十有二品



右乾隆寶藏銀錢徑一寸二分雙輪外輪中有五十八年四字

四旁花紋環以細點內有乾隆寶藏四字幕為回疆番字不

可辨中有方郭孔而不穿



右乾隆寶藏銀錢徑八分半輪中有五十八年字二面文皆與前品同而圓徑較小案此皆當時

命回疆所鑄行用者聞尙有數種大小不一此二品則嘉慶元年翁宜泉所贈嘉慶八年四月被偷兒竊去矣



右紅銅普耳錢二品上微尖下橢圓長七分橫濶六分烏什及葉喀二城哈喇沙等處行用以一當十官爲鼓鑄以紅銅爲

之乾隆四十五年有戶部各衙門奏章見首卷以上三品皆國朝頒行外國者與所用制錢有別今以列外國金銀錢之首



右銀洋錢四品俱洋字邊中人頭花紋各有微異皆重七錢二

分徑一寸七分厚一分洋錢多鑄自呂宋國中國惟閩廣江蘇浙江通行使用外國則有小噶喃用金錢柯枝用金銀錢古里以六成金鑄錢阿丹以赤金鑄錢又鑄紅銅錢榜葛刺用金錢銅錢鞋鞞以金鑄錢其品類不一形製大小各異凡數十種未審何品果為何國所鑄今就所藏及友人摹本盡列之以備參攷云



右銀洋錢二品俱花邊中人頭花紋微異徑一寸七分半厚一分重七錢五分



右銀洋錢花邊人頭與諸品異幕中一鷹鼓雙翼立花艸上徑一寸七分有奇厚一分重七錢六分



右銀洋錢花邊人頭重三錢六分徑一寸四分厚一分



右銀洋錢花邊人頭重一錢八分徑一寸二分厚八釐



右銀洋錢花邊人頭左向重一錢二分徑一寸一分厚六釐



右銀洋錢邊無文洋字中人頭一面雙柱形重九分徑八分半

厚半分



右銀洋錢二品花邊人頭並同重四分半徑七分有奇厚半分




右銀洋錢三品俱洋字花邊中雙柱形一面微異並重七錢二分徑一寸七分厚一分 以上銀洋錢人頭及雙柱形質重徑略同其花紋不同大小各異者遞列於後



右銀洋錢花紋面幕並同前品重三錢八分徑一寸四分厚一分



右銀洋錢花邊雙柱並與前品同重一錢八分徑一寸一分厚八釐



右銀洋錢花邊洋字中一人握劍形一面橫列洋字八層極厚重邊重一兩六錢七分徑一寸七分厚五分



右銀洋錢重洋字邊中有人握劍形一面為線邊中橫排洋字
共十層重七錢四分徑一寸九分厚一分



右銀洋錢上有鼻紐花邊中一人直立相左右雙翼兩手持物
似葡萄之形一面為一人乘馬奔走形重一兩六錢八分徑
二寸一分厚三分



右銀洋錢重線邊中一人左手持劍右手握物一面四旁雲氣
中列方圈圈內橫排洋字四層重一錢徑一寸厚半分



右銀洋錢洋字細邊中人頭右向服飾花羽形一面為鳥翼雙
展下如翹形重八錢三分徑一寸七分厚一分



右銀洋錢洋字邊中人頭一面為花艸雲氣形重九分徑九分
厚半分




右銀洋錢洋字細邊中為人頭左向一面左右水艸中為鑪瓶
形重七錢四分徑一寸八分半厚一分



右銀洋錢洋字花邊中人頭左向一面刻方圈四圈內花艸各
有不同重四錢三分徑一寸四分厚六釐



右銀洋錢花邊中一人執杖袍服散揚形一面重圈中為飛鳥外環雲氣花艸之形重八錢徑一寸七分半厚一分



右銀洋錢細邊洋字中一人仗劍背立伸一足屈一足蔽膝掩

之一面洋字中作上下左右大圈正中一圈皆上圓下方各

圈內花紋不同徑一寸九分係姚虎臣摹王竹溪所藏本重

厚未審



右銀洋錢線邊洋字中一人乘馬仗劍形一面左右二人侍立

中方圈一人騎獸握劍形重四錢七分徑一寸六分厚半分



右銀洋錢重邊洋字內人頭有向上下冠裳形一面洋字內飛

禽展翼形極厚重一兩六錢五分徑兩寸厚五分



右銀洋錢花邊內二人對坐相一面重花邊內列馬上人握旗

幟形重八錢三分徑一寸七分厚二分



右銀洋錢邊無文洋字內上為兵卒四人竝肩排立形下橫列

洋字三層一面文亦如之而為側相重八錢三分徑一寸七

分半厚一分



右銀洋錢線邊上列洋字右為人握劍背旗坐形下橫列洋字

兩層左似雲氣一面二人上下立石上左有柱似箭桶形近

邊左右洋字斜排徑二寸重九錢厚分半



右銀洋錢花邊中人乘馬握劍向右形一面花邊兩人旁侍中方圈作一人騎獸持劍形重九錢徑一寸八分厚一分半



右銀洋錢二面花紋並與前品略同重徑厚亦同



右銀洋錢花邊中為奔馬形一面洋字花邊左右二人下為箭室中有花艸形重八錢四分徑一寸六分半厚一分半



右銀洋錢一面外方內圓四角花紋中為馬上懸旗形一面上有花艸覆蓋之形下橫列洋字五層對角斜長二寸徑一寸

八分重厚未審此品係江秋史摹本



右銀洋錢細邊無洋字中為礮車輪形一面似戰船放礮形此錢形如礮輪中心厚而邊薄重四錢二分徑寸六分厚一分



右銀洋錢細線重邊上列洋字下有洋船排列形一面人背面坐相下列禽鳥水艸之形重九錢五分徑二寸四分厚二分



右銀洋錢洋字邊中為戰船揚帆形一面上為花藻下有方圈內人形徑七寸一分重厚未聞



右銀洋錢洋字邊內有波紋環列中十字四旁作海獸箭室形
一面為雲頭寶頂象重七錢六分徑一寸八分半厚一分



右銀洋錢二品前品一面洋字邊中有雙曲柱向上一面似天
平形中有鉤曲向右後品一面同一面天平中鉤曲向左為
異並徑九分重四錢厚半分



右銀洋錢細邊中為鳳形面微凹一面雲氣形面略凸重四分
半徑六分



右銀洋錢洋字中水艸形一面雙柱重三分徑六分



右銀洋錢細邊中鑪鼎形一面獸形重二分徑五分 案張燮
東西洋攷呂宋銀錢大者七錢五分名黃幣峙次三錢六分
名突唇又次一錢八分名羅料釐小者九分名黃料釐俱自
佛郎機攜來今江浙閩廣通行洋錢大概出自呂宋他如下

港啞齊 即蘇門答刺 和蘭諸國俱用銀錢 王圻稗史類編忽魯

謨斯銀錢名底那兒據所云則外洋銀錢不出自一地亦不止一名以上諸品未審何國所鑄謹圖其所見以待攷



右喇嘛番字銀錢細點邊內環雲氣小圓圈內似番字一面花紋作八瓣尖圓分列徑一寸一分重一錢五分五釐



右喇嘛番字銀錢邊環小圓點較大於前品花紋亦微異徑一寸一分半重四錢厚半分



右金洋錢花邊洋字中人頭一面洋字邊內左右又列洋字四中似鑪鼎內列箭室海獸形俱與前銀錢略同重四錢徑一寸四分厚一分



右金洋錢細洋字花邊中人頭其面微俯一面花紋環繞與諸

銀錢異重四錢徑一寸三分半厚八釐



右金洋錢花邊一面海船揚帆形一面洋字邊中上為花草形

中方圈有異獸之形徑一寸一分半重六分厚半分



右金洋錢花邊中人左手仗劍右手握物一面四旁雲彩環列
內有方圈橫書洋字五層徑九分重一錢厚半分



右金洋錢細邊洋字雙柱中列鑪三層一面細邊洋字中為寶

鼎形徑一寸五分重五錢厚一分 案稗史類編小噶喃用

金錢名倘伽數箇重八分小金錢名吧喃四十個准大金錢

一個古里國以六成金鑄錢名吧喃每個徑一寸三分八釐

面底有文重一分阿丹國以赤金鑄錢名哺嚕每文重一

錢底面有文鞞鞞國即天方國以金鑄錢徑七分重一錢據此則

外洋金錢品類不一今亦不能分別某品為某國所鑄就所

有列之而附識於此以俟考



右赤銅番字錢線邊無文中爲雙頭鳥展翅形一面水草內列
洋字三層重二錢二分徑一寸一分厚半分



右赤銅番字錢索邊水艸環列中有兩柱連環相紐之狀一面
中似鼎形左右兩獸直立重一兩七錢一分徑二寸厚一分



右赤銅番字錢兩面花紋與前品並同重八錢二分徑一寸六
分半厚八釐



右赤銅番字錢二面花紋略同前品重一錢零六釐徑八分厚
半分



右赤銅番字錢線邊一面似飛禽展翼形下托雲氣右下列洋字一面左右水艸相連上一小鼎形中為連環交紐之狀重五錢八分徑一寸八分厚一分



右赤銅番字錢細綫邊花紋稀疏一面連環交紐下有水艸形重六錢徑一寸六分半厚一分





右赤銅番字錢綫邊中一人乘馬奔走形下似鳥形一面左右水艸叢列中連環交紐狀重六錢五分徑一寸四分厚一分



右赤銅番字錢綫邊一面左有圓圈中一人乘馬奔走之相下

似蛇形一面水艸環列右有一圈中為連環交紐之紋重五錢徑一寸一分半厚半分




右赤銅番字錢重線五層邊一面為雙禽展翼形兩頭左右向

上有雲氣一面為洋字三層上一字中七字下四字重七錢二分徑一寸八分厚一分



右赤銅番字錢線邊一面似飛禽展翅形與前品同一面水草


環列中有洋字三層重三錢徑一寸一分半厚半分



右赤銅番字錢線邊一面上為洋字一中下共列洋字三層一

面中有一柱直立上似雲氣左右作雲頭圓紋二邊分捲形

重六錢徑一寸五分厚一分



右赤銅番字錢細線邊一面為仙鹿左有瑤草右有奇花一面無文重二錢徑一寸厚半分



右赤銅番字錢上有番字一層中為兩柱繞環斜立形下左右兩點中似小石形一面上下雲氣左右兩獸直立形重九分徑九分厚半分



右赤銅番字錢細線邊一面花紋洋字並與前品略同一面作寶缶疊獸形重七分徑八分半厚半分



右紅銅圓錢線邊洋字圈一層中作鳳皇形一面邊同內環雲氣中作方圈內有上下左右分出之紋十畫徑一寸七分半

重厚未詳

右紅銅圓洋錢洋字邊內作馬劍形未見見江秋史譜

右紅銅圓洋錢中有十字與銀錢同而較厚摹自江氏譜

右紅銅圓錢面凹而幕凸出與銀錢同幕自江氏譜

右黃銅錢橢圓兩面凸起作人面半身相上有柄可穿長二寸二分濶八分重五錢二分俗呼鬼頭錢又名圓子餅此下數品余得自都中西直門內大街今爲人拾去

右黃銅錢形制與前品並同長一寸八分濶五分

右黃銅錢形制亦同前品長一寸六分濶四分


右黃銅錢中為橢圓形四面起角亦回錢也

右黃銅錢形制與前品同而較小

右黃銅錢橢圓中厚邊薄亦作人形亦回錢也

右銀錢兩面作喇嘛番字未見見江秋史譜

右錢極小徑僅一分有奇面有細花紋曾於江秋史處見之秋史曰此琉球國鳩錢也



據洪志補

右銀錢如半月形 洪志稱驃國錢引唐書南蠻傳曰驃古朱

波也以金銀為錢形如半月號登伽佗亦曰足彈陀又引樊

綽雲南志曰驃國用銀錢 案此錢今間有之未必即洪氏所見也



據洪志補

右罽賓國錢 洪志圖作一面人騎馬一面人面形引漢書西

域傳曰罽賓國以金銀為錢文為騎馬幕為人面張晏曰錢文面作騎馬形漫作人面目也北史西域傳曰罽賓國市用錢 尤侗外國傳曰撒馬兒罕即古罽賓國市用銀錢 吾學編曰撒馬兒罕在哈烈東北三千里用銀錢



據洪志補


右烏弋山離國錢 洪志圖作一面人頭伸頸微側相一面人戴紗帽乘馬形引前漢書西域傳曰烏弋山離國錢貨與罽賓同其錢獨文為人頭幕為騎馬



據洪志補

右安息國錢 洪志圖作一面人面形一面無文志曰外國錢

文爲王面若夫人面多矣而安息國司馬史記但云錢如王
 面班史以爲面文爲王幕文爲夫人二史所載如此姑以司
 馬氏之說圖之 案此則洪遵亦未見此錢矣但以意爲圖
 耳



據洪志補

古大月氏國錢 洪志圖作二面皆爲人面形引前漢書西域
 傳曰安息國以銀爲錢文爲王面幕爲夫人面王死輒更鑄
 錢大月氏國錢貨與安息國同




據洪志補



右泥婆羅國錢 洪志圖作一面人立相一面牛馬相疊形引
 舊唐書西域傳曰泥婆羅國以銅爲錢面文爲人形背文爲
 牛馬不穿孔新唐書西域傳曰泥婆羅國鑄銅爲錢面爲人
 形背牛馬形




據洪志補



右何國錢 洪志圖作一面人面一面艸木狀引徐氏曰何國

錢以銀為之徑一寸有五釐不開孔面為人面背為艸木狀



據洪志補



右康國錢 洪志圖作一面重輪中列細紋內作伸頸側面形

一面人面引徐氏曰康國錢以銀為之徑九分不開孔二面

皆作人面面文側而背文正面文繞以連珠之狀舊唐書西

戎傳曰康國生子必以膠置掌內欲其成長掌中持錢如膠

之黏物



據洪志補

右拔汗國錢 洪志圖作二品一品無文一品作圓圈三層併

外輪為四層引徐氏曰拔汗國錢以金為之徑七分五釐無


文字又一種有三旋文並不開孔



據洪志補

右條支國錢 洪志圖作一面人立形一面人乘馬形引樂史

太平寰宇記曰條支國市列錢貨其錢獨文為人幕為騎馬



據洪志補

右拂菻國錢 洪志圖作一面人面一面無文引神宗國史曰
 拂菻國歷代朝貢不至熙甯四年其王滅伊靈改撒始來貢
 交易為金銀錢無孔面鑿彌勒佛背為國王名 案此文見
 宋史外國傳尤侗外國傳同 鄭曉吾學編拂菻國在嘉峪
 關外萬餘里鑄金銀錢



據洪志補

右大食國錢 洪志圖作一面象形一面無文引廣州記曰生
 金出大食國彼方出金最多凡諸貨易竝使金錢國朝會要
 曰大中祥符九年十一月大食國以金錢銀錢各千文入貢
 余案此錢以金為之面文象形形製極小余至南海嘗見之



據洪志補

右因墀國玉錢面文天壽永吉四字真書正讀輪細好圓徑一
 寸三分半幕無文 洪志引王子年拾遺記曰因墀國在西
 域之北晉武帝時獻玉錢千緡其形如環環重十兩面上有
 天壽永吉四字寶積記曰晉太康中因墀國進玉錢千緡其
 形如環重十兩上有天壽永吉之文余案此錢二書所載皆
 同李孝美以天壽為壽昌以環為刀環又出拾遺記豈亥豕

之譌耶



據洪志補

右闍婆國錢 洪志圖作一 面為反 一面無文 引三朝國史曰

闍婆國在南海中其國剪銀葉為錢博易官以粟一斛二斗

博金一錢諸番風俗云其國以銀銅鋹錫鉛雜鑄成錢其錢

六十四箇為一兩余按此錢甚小而薄面背無梵書不穿孔

背形微歛錢質不可辨當是雜鉛錫或銀為之其國一當五

十或當三十 案此錢洪志有圖有文又云面背無梵書似

有誤又見宋史外國傳 尤侗外國傳云瓜哇國即古闍婆

國也 鄭氏吾學編云瓜哇古闍婆國又名莆家龍元稱瓜

哇國用中國古錢



據洪志補

右錢極小面文千秋萬歲四字真書正讀中有方好徑五分弱

幕無文 洪志引李孝美曰此錢徑三分文曰千秋萬歲今


甚易得蓋常歲使入貢人多博易得耳董道曰遼國錢蓋近

世所為 案此錢不見於遼史仍洪志附此



據洪志補


右軒渠國錢 洪志圖作兩面人面形引樂史太平寰宇記曰
 軒渠國幣貨略同三童國張騫出關志曰凡諸幣幣貨多用
 蕉越犀象作金幣率象國王之面亦效王后之面若丈夫交
 易則用國王之面婦女交易則用王后之面



據洪志補

右三童國錢 洪志圖作兩面人面形引樂史太平寰宇記曰
 三童國作金幣率效國王之面亦效王后之面餘又與前品


同



據洪志補

右碎葉國鐵錢 洪志圖作雙環相連形引徐氏曰此錢賓鐵
 作之形如兩環相連枚各圍寸九分聖曆中御史封思業使
 西域監斬叛突厥阿悉結薄露大足中還雒陽得西域諸國

錢



右大秦國錢 洪志引後漢書西域傳曰大秦國一名犁鞞國
 以金銀鑄錢銀錢十當金錢一隋書食貨志曰後周武帝時

梁益之境雜用古錢交易河西諸郡或用西域金銀之錢官不禁案魏略西戎傳亦云作金銀錢金錢一當銀錢十

右三佛齊國錢 洪志引諸番風俗曰三佛齊國在廣州正南

其國用金銀銅錫合鑄為錢

右佛泥國錢 洪志引諸番風俗曰佛泥國在廣州東南其國

用銅鋤銀雜鑄為錢

右東沃沮國錢 洪志引魏書東夷傳曰在高句麗蓋馬大山

之東魏略曰其國嫁娶之法女家責錢錢畢乃復還婿

右新羅國錢 洪志引傳燈錄曰賊於洪州開元寺受新羅僧

金大悲錢二十千令取六祖太師首歸海東供養

右高昌國錢 洪志引後周書異域傳曰高昌國賦稅計田輸銀錢

右波斯國錢 洪志引後周書異域傳曰波斯國賦稅准地輸

銀錢隋書西域傳曰波斯國人年三歲以上出口錢四文新

唐書西域傳曰波斯國偷者輸銀錢余按地賦口算盜罰當

是三種諸書互舉其一何也又案西域記云波刺斯國舊曰

波斯貨用大銀錢戶課賦稅人四銀錢然則波斯波刺斯一

也唐史云波斯居達邊水又于他國旁出云波刺斯治蘇刺

薩倘那城賦稅口出四銀錢二書所載口稅同而史氏不於

波斯國表見豈誤以爲二國耶

右女國錢 洪志引隋書西域傳曰女國在蔥嶺之南其女王

死國中則厚歛金錢求死者族中之賢女二人一爲女王次

爲小王唐書西域傳曰東女羌別種也西海亦有女王故稱

東別之王死國人以金錢數萬納王族求二淑女立之次爲

小王王死因以爲嗣

右小月氏國錢 洪志引北史西域傳小月氏以金銀錢為貨

右中天竺國錢 洪志引舊唐書西戎傳曰中天竺國小犯罰

錢以贖罪新唐書西域傳曰中天竺小罪贖錢西域記曰天竺之稱舊云身毒其貨用金錢銀錢貝珠小珠四分律曰西方錢有銅錢白鉛錫樹膠皮木金銀銖等錢形亦不同有如玉面方圓長短等錢不同字亦隨時處三朝國史曰天竺國

舊名身毒市易用銅錢有文漫圓徑如中國之制但實其中心不穿貫耳 案此文亦見宋史外國傳

右于闐國錢 洪志引唐書西夷傳曰葱嶺以東俗尚淫龜茲于闐置女肆征其錢

右投和國錢 洪志引唐書南蠻傳曰投和國在真臘南以銀作錢類榆莢盜鑄者截手樂史太平寰宇記曰投和國其市中貿易所用皆銀錢小如榆莢私鑄者截腕

右阿耆國錢

洪志引西域記曰阿耆尼國貨用金錢銀錢並

小銅錢

右屈支國錢

洪志引西域記曰屈支國貨用金錢銀錢及小

銅錢

右覩貨邏國錢

洪志引西域記曰覩貨邏國貨用金銀等錢

模樣異諸國

右梵衍那國錢

洪志引西域記曰梵衍那國貨幣之用同覩

貨邏國

右迦畢試國錢

洪志引西域記曰迦畢試國貨用金錢銀錢

及小銅錢規矩模樣異於諸國

右那揭羅曷國錢

洪志引西域記曰那揭羅曷國昔如來在

世之時牧牛之士以金錢買花供養受記又云諸欲見如來

頂骨者稅一金錢若取印者稅五金錢

右健馱邏國錢

洪志引西域記曰健馱邏國有貧士得一金

錢願造佛像酬工尙少復有一人持一金錢求畫佛像畫工

是時受二人錢共畫一像

右室邏伐悉底國錢

洪志引西域記曰室邏伐悉底國國王

威風遠洽臣諸印度日以五億金錢周給貧窶使人剃髮輒

賜一億金錢

右羯若鞠閻國錢

洪志引西域記云羯若鞠閻其國有佛牙

長餘寸半士庶瞻仰監守者繁其喧雜權立重稅欲見佛牙

輸大金錢

右鉢邏那伽國錢 洪志引西域記曰鉢邏那伽國城中有天

祠靈異多端衆生於此祠捨一錢功逾他所施千金

右婆羅痾斯國錢 洪志引西域記曰婆羅痾斯國有隱

士遇一人悲號逐路以五百金錢遺之

右摩揭陀國錢 洪志曰西域傳云摩揭陀國有伽藍其地本

菴沒羅國五百商人以十億金錢買以施佛

右伊爛拏鉢代多國錢 洪志引西域記曰伊爛拏鉢代多國

昔一長者晚有繼嗣時有報者輒賜金錢一百億因名其子
聞二百億

右僑薩羅國錢 洪志引西域記曰僑薩羅國王爲龍猛菩薩

鑿山建立伽藍計工人所食鹽價用九拘胝金錢 本注拘胝者唐言億也

右摩突羅國錢

洪志引阿育王傳曰摩突羅國有長者出錢於山中作精舍又有一長者錢銀衰耗唯五百舊金錢在遂詣尊者邈多所而求出家

右乾陀越國錢

洪志引阿育王傳曰阿育王華氏城號阿恕

伽轉輪聖王持一金錢布施此塔王有宮婢得一銅錢以施眾僧後生王宮掌內有一大金錢隨取隨生王又遍行勸索欲用作福到一貧家夫婦二人詣富家質七枚金錢與勸化者案阿育王乃頻婆娑羅王之後裔頻頭莎羅王之子其傳不載國名考之阿育王息懷目因緣經云乾陀越國樂如天宮聖王阿育於中綏化則知其國為乾陀越矣

右杜薄國錢

洪志引樂史太平寰宇記曰杜薄國出金以金

鑄錢

右康居國錢 洪志引韋節西番記曰康居國以六月初一日
 爲歲首至此日王及士庶在國城東林下七日馬射欲罷之
 日值金錢於帖上射中者得一日爲王

右末祿國錢 洪志引杜暹行經記曰末祿國在惡梅國西南
 市廛正平其估銀錢


右阿鈞康國錢 洪志引後魏書西域傳曰阿鈞康國市用錢
 爲貨 案北史作阿鈞羌國

右舍衛國錢 洪志引四分律曰佛在舍衛國時舍衛城中諸
 長者集會先有制其不至者罰錢五百

右層檀國錢 洪志引神宗國史曰層檀國交易用錢三分其齊金銅相半而銀加一分禁私鑄 案見宋史


右裸人國錢 洪志引義楚釋氏六帖云寄歸傳曰裸人國以藤竹器易鐵或用寶貝或用金銀錢

右巴氏錢 洪志引後漢南蠻傳曰秦惠王并巴中以巴氏爲蠻夷君長其君長歲出賦二千一十六錢三歲一出義賦一千八百錢



據洪志補

右倓氏錢 洪志曰後漢南蠻傳秦昭襄王時有巴郡閬中夷人能作弩射殺白虎昭襄王嘉之乃刻石盟夷人傷人者論殺人者得以倓錢贖死 案本注引何承天纂文曰倓蠻夷贖罪貨也



據洪志補

右賓氏錢 洪志引後漢南蠻傳曰高祖為漢王發夷人還伐
三秦秦地既定乃遣還巴中復其渠帥七姓不輸租賦餘戶
乃歲入賓錢口四十余案巴氏錢以下三品皆夷人部落臣
屬中國故輸租交律以其本夷人而後漢總之南蠻故係外
國品後 華陽國志漢興南蠻白虎從高祖定秦戶出賓錢
以上凡三十八品自大秦國以後洪志皆圖作內方外圓
而無文今全錄其文以備參攷云



據洪志補



據洪志補

右疎勒國龜茲國錢二品 洪志皆圖作五銖引徐氏曰龜茲
疎勒國即五銖也大九分一面文曰五銖敦素曰案二國獨
用者昔西涼張軌用之此二國地接涼境豈非張氏之遺制
乎唐書西域傳曰蔥嶺以東俗喜淫龜茲于闐置女肆征其
錢樂史太平寰宇記曰龜茲國賦稅准地徵租無田者則稅
銀錢余案二書所載則龜茲用錢審矣徐氏五銖之說未知
何據耶 今案洪氏既疑徐說又置五銖殆兩存而未定耳

故以二品附各國諸品之後而詳述之

外國品下

經鋤堂

右真臘國錢 元周達觀真臘風土記每有捨錢與貧女陣毯者謂之做好事

右鞞提醯國金錢 法苑珠林鞞提醯國王曰重興拜大藥為臣以金錢四百聘毗舍佉為妻

右南毗國錢 宋史外國傳南毗國鑿雜白銀為錢 按宋史外國傳所載各國錢日本高麗已見前第十七卷天竺闍婆拂菻層檀皆列本卷之前惟此品洪志未載今特補入

右古俚國錢 吾學編云古俚大國西洋諸番之會海濱為市通諸番用金銀錢

右覽邦國錢

明史外國傳覽邦在西南海中交易用錢 吾

學編同

右忽魯謨斯國錢

明史魯忽謨斯西洋大國也民富裕厚或遭禍致貧衆皆遺以錢帛共振助之 尤侗外國傳曰忽魯

謨斯女耳掛絡索金錢數枚以銀鑄錢名底那兒 星槎紀

勝忽魯謨斯國女子兩耳輪周挂絡索金錢數枚行使金銀

錢 黃省曾西洋朝貢典錄忽魯謨斯國其交易以銀錢名

曰那底兒注云銀錢徑官寸六分面底有紋重官秤四分

右白葛達黑葛達鐵錢

明史白葛達土地瘠薄崇釋教市易

用鐵錢又有黑葛達國小民貧亦以鐵鑄錢 吾學編同

右哈烈錢

明史哈烈一名黑魯在撒馬罕西南三千里去嘉峪關一萬二千餘里西域大國也交易用銀錢大小三等不

禁私鑄惟輸稅於酋長用印記無印者禁勿用 吾學編同

右契人錢 田汝成炎徼紀聞云契人漢隄為郡唐為于矢部

蓋南詔之東鄙也其國以金銀銅錫為錢

右獐人錢 田汝成炎徼紀聞云獐人親投銅錢於水汲歸

右乞力麻兒國鐵錢 明史乞力麻兒不事耕農西南傍海東

北林莽深密有達巷無市肆交易用鐵錢 吾學編同 案

尤西堂外國傳作交易無期用銅錢

右答兒密國錢 明史答兒密居海中地不百里人無千家無

城郭上下皆居板屋知耕作交易用銀錢 吾學編同

右討來思錢 明史討來思地小周徑不百里城近山山下有

水赤色望之如火土宜稌麥無稻交易用錢 吾學編同

右番人金錢 王圻續文獻通考四裔考西南夷別錄曰龍涎

與浮灩海面波聲雲騰番人架獨木舟登嶼採龍涎或大魚

腹中剖出圓珠大如斗亦覺微腥焚之其香清遠貨于蘇門

之市官秤一兩用彼金錢十二箇一斤該金錢一百九十二

箇准中國銅錢四萬九千文 星槎紀勝同

右吉里地悶錢 王圻四裔考曰吉里地悶居連迦羅之東貨

用金錢鐵器之屬

右錫蘭國錢 王圻四裔考曰錫蘭國地廣人稠亞於瓜哇民

俗富饒以金為錢通行使用每箇重一分六釐得中國青磁

銅錢甚喜將珍珠寶石換易 尤侗外國傳云錫蘭市用金

錢 吾學編曰錫蘭山國市用金錢銅錢 黃省曾西洋朝

貢典錄錫蘭山國其交易以金錢 原注云金錢重官秤一分六厘 星槎紀

勝曰錫蘭山國貨用金錢銅錢

右小葛蘭國錢 王圻四裔考曰自錫蘭西北行六晝夜到小

葛蘭國其國邊海東連大山西近大海市用金錢 尤侗外

國傳曰小葛蘭國用金錢大名倘伽小名吧喃 星槎紀勝

云大葛蘭國貨用金錢小葛蘭國大金錢名倘伽每箇重八

分小金錢名吧喃每四十個准大金錢一個 吾學編曰小

葛蘭國市用金錢 東西洋攷曰吉蘭丹即小葛蘭國以金

為錢餘略同 朝貢典錄曰小葛蘭國其交易以金錢

原注云重壹分

右溜山國錢 王圻四裔攷曰溜山國亦以銀鑄錢使用 尤

侗外國傳曰溜山市用銀錢 黃省會朝貢典錄曰溜山國

其交易以銀錢 注云重官秤二分三厘

右祖法兒國錢 王圻四裔考曰祖法兒國邊海倚山東南大

海西北重山國王國民皆回教也王以金鑄錢名倘伽每個

重三錢零用此錢 尤侗外國傳曰倘伽文如人形 瀛洲

勝覽曰祖法兒金錢重一錢徑一寸五分文以人形一錢重四分 吾學編曰祖法兒又名左法兒用金銅錢錢文人形

西洋朝貢典錄祖法兒國交易以金錢以紅銅錢金曰倘

伽注云金重官秤二錢徑一寸五分一面有紋一面人形銅徑四分

右阿丹國金錢 星槎紀勝曰阿丹國婦女不露形貌兩耳垂

金錢數枚 朝貢典錄曰阿丹國交易以金錢及紅銅錢金

曰哺嚙銅曰甫嚙斯注云金重官秤一錢底面有文 尤西堂外國傳曰阿

丹古丹之國赤金鑄錢名喃嚙嚙又紅銅錢名哺嚙斯婦人

耳掛金錢

右南泥里錢一名南淳里 吾學編曰南泥里市用銅錢

右八答黑商錢 吾學編曰八答黑商銀錢交易

右大泥國錢 東西洋考曰大泥即古淳泥市用金錢

右西洋下港鉛錢 東西洋考下港與西番佛郎機用銀錢本地用鉛錢以一千文為一貫十貫為一包鉛錢一包可當銀錢一貫云


右文郎馬神鉛錢 東西洋考文郎馬神用鉛錢

右鄂羅斯國錢 七十一西域聞見錄曰鄂羅斯北方大國也東界海南界中國西北隣控噶爾東西距二萬餘里南北窄狹或千里或三千餘里不等稱其王曰汗以銀為錢鑄文肖其汗之面重七錢餘謂之阿拉斯朗 案此錢與前之所謂洋錢者略似然究非粵閩各省通行之洋錢也

右卜刺哇國錢 星槎紀勝卜刺哇國婦女兩耳垂金錢

右控噶爾國錢 七十一西域聞見錄曰控噶爾國西北方向
 子最大之國地包鄂羅斯東西界之外稱其王曰汗其大頭
 目謂之阿奇木伯克建都之城名務魯木極廣大東西徑過
 馬行九十餘日南北亦然城門二千四百城內大江三山河
 藪澤不可勝計宮室深邃濶遠黃屋朱門皆以金玉珠貝為
 飾黃金為錢每文重二兩許所屬地有不富饒者其汗聞知
 輒親往巡視暗攜金銀潛拋人煙叢集之區如間有人拾取
 者尚謂無害如拾取者眾多甚至因拾取而相爭其汗則憫
 而加恤焉遂廣為施濟必致比戶豐裕財用充足而後已

右轄里薩普斯國銅錢 七十一西域聞見錄曰轄里薩普斯
 其地在喀什噶爾之西



右布哈拉國錢 七十一西域聞見錄曰布哈拉回國也在葉
 朶羌之西馬行二十五日到城池廣大民戶殷實錢有金
 銀銅三品分別使用

右西藏銀錢 魯華祝衛藏圖識云西藏貿易概用銀錢每枚

重一錢五分上有番字花紋亦以銀易錢而用每年正二三

月觀兵演畢以哈達銀錢犒之殺人者着犯姦罰銀錢凡所

罰銀錢存備公用於喇嘛唸經之費

右淳淋國錢 尤西堂外國傳曰三佛齊國即舊港又名淳淋

在東南海中市用錢 吾學編同 東西洋攷舊港用鉛錢

右蘇門答臘國錢 尤伺外國傳曰蘇門答臘古須文達那國

或曰漢條支唐波斯大食即其地也東南大小西洋北距海

為西洋要會市用金錢名底那兒錫錢名加失 星槎紀勝

蘇門答刺國銀錢二十箇重銀六兩金抵納即金錢也每二

十箇重金五兩二錢又曰彼國金錢一百九十二箇准中國

銅錢九千箇 吾學編略同 東西洋攷亞齊國即蘇門答

刺一名蘓文達那餘同 黃省曾西洋朝貢典錄前注云金錢

淡金鑄圓徑官寸五分面底有紋重官秤三分五釐又曰每

四十八個重壹兩四分恆用錫錢

右柯枝國錢 尤侗外國傳曰柯枝一名阿枝古槃之國東連

大山西南北皆海市用小金錢名吧喃 星槎紀勝同 瀛

洲勝覽云柯枝用金銀錢金錢九成色曰法南計重一分一

釐銀錢形如螺曆曰答兒 吾學編柯枝一名阿枝市用金

銀錢銀錢十五當金錢一 黃省曾西洋朝貢典錄曰柯枝

國其交易以金銀錢金曰法南銀曰答兒前注云金重官秤一

分一釐銀重四釐大如螺曆金錢一當銀錢十五

右古里國金銀錢 尤侗外國傳曰古里西洋諸番之會海中

一大國也金錢名吧喃銀錢名搭兒 朝貢典錄古里國交

易以金銀錢金曰吧喃銀曰搭兒其錢面底有紋以六成金

鑄造徑官寸三分八釐重官秤一分銀錢重三釐

右榜葛刺錢 尤侗外國傳曰榜葛刺本天竺國天竺有五印

度榜葛刺者東印度也市用銀錢海貳番名考嚟價定打手

雖千金不悔勞戲者錢 國語名榜葛俚貢物有錢 星槎

紀勝榜葛刺國有銀錢通使海貳准錢市用 吾學編同

瀛洲勝覽榜葛刺銀錢名倘伽重三錢徑一寸二分 朝貢

典錄云榜葛刺國其交易以銀錢名曰倘伽以海貳名曰考

嚟注云銀錢重官秤三分徑官寸一寸二分底面有文海貳

計斤

右天方國錢 尤侗外國傳曰天方古鞞鞞地以金鑄錢人無

貧者 楊慎謂天方即大食名號改移海外諸國皆然大食

見前 方以智物理小識云西番回子之錢熟金也 西洋

朝貢典錄曰天方國其交易以金錢名曰倘伽 原注云錢徑官寸七分重

官秤一錢

右鞞而鞞國錢 艾儒畧職方外紀曰中國之北迤西一帶直

抵歐羅巴洲之東界俱鞞而鞞有幣大剛國惟屑奇皮為餅

如錢印王號其上以當幣 南懷仁坤輿圖說略同

右印弟亞國錢 艾儒略職方外紀曰中國之西曰印弟亞即
 天竺五印度也有巨鳥吻能解百毒國中甚貴之一吻值金
 錢五十亦見南懷仁坤輿圖說又曰瓜哇不用錢巨胡椒及
 布帛為貨幣

右歐羅巴洲錢 職方外紀曰天下第二大洲名曰歐羅巴洲
 其南起地中海北至冰海相距一萬一千二百五十里西起
 西海東至阿比河相距二萬三千里共七十餘國土多肥饒
 出石金以金銀銅鑄錢為貨幣 坤輿圖說所載同

右金加西蠟國錢 艾儒略職方外紀曰南亞墨利加洲之北
 曰金加西蠟地產金銀天下稱首貿易用銀錢共五等大者
 重八錢極小者重五分金錢共四等大者重十兩小者重一
 錢 坤輿圖說略同惟金錢作小者一兩 案以上二國所
 用金銀錢似即閩廣通行之洋錢也

右瓜哇國錢 黃省曾西洋朝貢典錄曰瓜哇國民皆殷富其

交易亦用中國歷代之錢

右暹羅國錢 黃省曾西洋朝貢典錄曰暹羅國百貨畢集可

通雲南之後其交易以金銀或以銅錢或以海貳

右卜魁國錢 方式濟龍沙紀略曰茶自江蘇之洞庭山來枝

葉粗雜函重兩許值錢七八文

右鄂倫國錢 龍沙紀略云堪達含駝鹿也角堅瑩如玉中有

黑理橫截之鏤為決使理周於外一線勻圓選一決數十角

值錢萬文 按二處所用究不知何錢也

右俄羅斯國錢 圖理琛異域錄上卷曰俄羅斯國地方分爲

八道不打牲之市喇忒索倫等每歲人各納銀錢二百文其

兵丁每歲有食千錢者亦有食七百文者不等下卷又曰其

私鑄錢者將銅鎔化灌其口內以殺之 以上各條皆照諸書附錄

右西域錢 南懷仁西方要紀曰西域諸國交易只用本國君

王所鑄之錢凡三種小者以銅中者以銀上者以金大都分

數錢數多用銀錢銅錢至一兩以外則用金錢其錢文皆有

本國之號亦用十字聖號各有定值不須等剪傾煎隨多寡

數之誠至便也 案此條具見西方用錢之大概故引以為


本卷之末

從曾孫文蔚校刊

古今錢略卷二十

望江倪模述

奇品 六十三品玉錢三十三品




右藕心錢形若破藕狀宣和博古圖曰李孝美錢譜稱世有藕

心錢不著出於何時及觀其畫像上下通缺若藕挺中破狀

與此正合但未知其何時物耳 按此錢各家不著所自始


而形質大小不同今所傳亦多此品及後二品皆得自杭
城者今失之

右藕心錢二品小於前品僅得前品之半而較長




右藕心錢 洪志入刀布中引舊譜曰世有此錢其形四方狀

如博基長二寸面闊三分當四稜皆上下通闕若藕挺中破
狀其上有首形如秤槌鼻有孔號為藕心錢



右藕心錢四品一見博古圖一見洪志萬光煒古金錄曰藕心

錢宣和譜不著何代之物丹鉛錄及潛確類書皆以為漢製其說非是考食貨志漢時所製之錢班班可考定為古幣無疑按萬氏以此錢為古幣亦未確江秋史曰此錢大小各種中皆有孔形似秤錘如即周禮管子之所謂權也其說近是



右藕心錢三品大於前諸品後一品更大拓本得自宋芝山未知輕重若何按洪志中凡五品一圓形入刀布中見前四品方形與各品略同大小不一入奇品中余所得并拓本凡

十一品列右其所見大小微異不盡列入



右蟻鼻錢面凸起上有孔幕平余曾得數十品今皆失之



右蟻鼻錢洪志列刀布品中引舊譜曰此錢其形上狹下廣背平面凸起長七分下闊三分上脫處可闊一分重十二銖面有文如刻鏤不類字世謂之蟻鼻錢



右蟻鼻錢四品亦見朱楓古金待問續錄朱楓曰史記循吏傳


孫叔敖為楚相莊王以為幣輕更以小為大百姓不便相言

之王復如故王許之今固始縣期思里多得此錢於沙礫中

徐閻齋曰文作兩子字相背形出固始沙地世傳孫叔敖


所鑄按此錢萬光煒古金錄所圖甚多諸家皆未見不復




錄




右龍頭大幣博古圖以為厭勝錢洪志不載翁宜泉曾得數品
以一贈余此其所贈也 按此錢長六寸身長三寸八分廣

一寸九分首為龍盤形頸長寸廣寸身若火焰形中嵌空自
肩以上平於諸幣中為最大又玉錢中亦有形若此者尤大
見後







右大幣五品皆見博古圖第一錢通長六寸八分闊二寸一分

重六兩有半第二錢通長五寸六分闊一寸七分重三兩有

半第三錢通長五寸七分闊一寸七分重三兩有半第四錢

通長五寸七分闊一寸八分重三兩有半第五錢通長五寸

七分闊一寸八分重三兩有半又曰按封演錢譜漢武造銀

錫白金為三品一曰其文龍二曰其文馬三曰其文龜而小



楯之謂其圓而長也今此錢一體之間龍馬並著形長而方

意有類於此然下體蟠屈隱起粟文似非漢武之制者又李


孝美圖譜有永安五男錢此品見後體勢雖圓輪郭皆著粟文與

此小異然孝美自為厭勝錢則是錢殆亦用為厭勝耶且錢


謂之泉布則取其流行無窮之義而此著龍馬者蓋行天莫如龍行地莫如馬亦泉布流行之謂歟 按此諸品博古圖既稱為厭勝錢而洪氏不收殆疑其未足據歟然此品今傳者尚多其為古幣無疑因摹博古圖原圖而詳錄其說云



右幣與第一品略似而較小



右古龍頭刀柄為龍頭有孔身為三稜末尖無識




右古刀環圓有好身有波紋似齊刀之魚鱗末短而斜通長六寸五分好徑四分半身長三寸五分末長二寸四分

右漢武帝白金三品洪志一品圖作圓形一品上左右作龍形

二品方形中方穿下馬形第三品長方作龜紋形幕皆無文


洪志曰前漢書食貨志曰武帝造銀錫白金以為天用莫如

龍地用莫如馬人用莫如龜其一曰重八兩圓之其文龍名
 白撰直三千二曰以重差小方之其文馬直五百三曰復小
 楮之其文龜直三百後既盜鑄多又鑄赤仄錢白金稍賤民
 弗實用縣官以令禁之無益歲餘終費不行史記索隱曰白
 金三品其一龍文隱起肉好皆圓又作雲霞之象其二肉好
 皆方隱起馬形在好之下又有連珠文者其三肉圓好方皆
 為隱起龜甲文 按此錢洪志入刀布品當時行用未久且
 非銅鑄今不入正副品列此門中從其類也




右錢二品銅質精美中含雙圓前品四寸一分半闊一寸三分
 厚半分外圓廣八分中有良金一朱四字環列內圓廣二分

中有小點不穿上下及幕具作水波旋紋余得自武昌為山
 陰袁名鼎所贈後品長五寸六分闊一寸五分厚二分面有
 良金四朱四字餘同此圖摹自江秋史秋史疑此即白金三
 品之一然與漢志不相應亦奇品也附入此




右布見洪志引舊譜曰咸通八年兗海觀察鄭漢章奏百姓於
 野內掘得古銅片四千九百五十五片詔翰林驗云上有齊
 歸化三字按其形製及文篆外莫之觀亦古布流也


國朝錢錄曰 按古篆化字無傍作并者以其銘齊入於齊大
 刀之後



右布至小洪志目為長平異布引舊譜曰李幼奇於長平溪澗
 中所得長寸一分下廣九分首長五分廣五分向上漸闊無
 好足枝長四分間廣三分面文兩字類科斗書背有三道文
 不可識



右一面貨布一面幕似雙人對立形



右一面貨布一面作雙龍飛舞形




右布形似貨布而較小長二寸三分一面作碎點紋雙痕畫盤

繞似蛇形一面好下一直旁右一片凸起右下一短直畫左

二長豎直畫 按以上三品似莽泉又不能入偽品以其似

而不似也與下大黃以類附此



右一品長二寸三分首長五分廣五分近肩廣五分半肩圓廣

九分足廣一寸平而中岐岐間廣二分長五分一面似大黃



二字但下字作莽中从王不从田又似非黃字一面當二二

字形制古雅銅色斑綠故以入於此

右布面文一程字未見見江譜

右一布官泉五百未見見江譜

右布身作田字形未見見江譜 按以上三品亦以類附之



右錢似石磬形圓而不折一面有環曲紋一面平間有圓紋



古今錢目

奇品

三

經鋤堂

右錢形似前品而小面有郭下微凹一面平中上有好




右亦磬錢也方面折中上有好一面花紋似四神一面平

古今錢目


卷二十

古


大雷岸




右磬錢二面有郭如聯駕雲形上折而方下環曲而窪



右磬錢兩頭似獸形中微曲而不折一面似井田紋一面平





右磬錢至薄面上重紋下為左右斜刻紋一面平上有好按
 此種甚多近人目為磬錢以其形名之也然於古無徵至古
 金錄指為漢初之莢錢則誤矣





右一品似犀角形一面有左右斜紋或曰即新莽貨中之一
 品也

右一品似犀角亦似梳形背長三寸五分下斜一寸五分內有齒一面平



右一品似犀角一面上銳漸闊內有齒似梳形三寸六分有奇折而轉外曲約二寸八分內凹一面平



右一品似犀角背長二寸下斜長一寸九分中有穿內有齒一

面平

奇品

經鋤堂

右一品形似海貝中心窳凹兩旁墳起內外貝齒十一道上下
二穿幕平中央微窪或曰亦莽貝貨也見江秋史譜

右海貝似杯形橢圓底中有篆五字或是莽之貝貨宋芝山云

顏潤生有此品惜未摹其圖也




右大錢徑三寸四分內好徑七分洪志謂之臺主衣庫錢志曰



顧烜曰中王之錢臺主衣庫今有此錢徑四寸重八兩面文

曰中王之錢背文曰五銖七千舊譜曰徑四寸重八兩面文

曰中王之錢背文曰五銖卍千敦素曰所謂卍字者古萬字也此錢錢中最大蓋謂一當五銖之千萬固嘗讀其面文為錢中之王背文為五銖千萬於理為勝封氏曰面為隸書背為篆書 按此錢未見顧烜舊譜皆云徑四寸而洪志所圖以漢尺計之僅三寸陸氏吉金圖所圖得三寸五分似皆非其實余所得於陸圖較小文則上錢下之左中右王一面上卍下卍左銖右五與洪圖同不解所讀何以異也臺主衣庫翁宜泉有攷見附錄





右君宜侯王錢徑寸一分洪志曰舊譜曰此錢徑寸重如其文文有六字曰君宜侯王五銖並篆書背面有肉郭而無好郭形製與漢五銖同而不甚精妙李孝美曰漢五銖錢面無好郭而背有之此錢既云背面皆有好郭安得與漢錢同形製也 今按余曾見此品於江秋史處較洪圖差大形製工好江云係注庸夫中所贈者



右錢徑九分有奇洪志入壓勝品志曰舊譜曰徑八分重二銖五黍面文有四字皆科斗書其可識者豐樂肉好背面皆有

周郭李孝美曰此錢文曰天清豐樂 今近得拓本於嚴鐵橋左右豐樂二字上下橫貳銖二字其釋良允李說殊未諦也



右錢徑一寸一分洪志入厭勝品志曰舊譜曰形製輕重類辟

兵錢其文一面曰日入千金一面曰長毋相忘間有八柱



右辟兵錢三品前一品徑八分半第二品徑寸上有柄下有半

圈形向外第三品徑與上同下有圈圓徑八分徑寸二品拓


自翁宜泉洪志曰舊譜曰徑八分重三銖背面皆有周郭又

有兩重於方穿之中復更有小穿邪正安之疑若八角然其


文一面曰去殃除凶一面曰辟兵莫當皆篆字其間有八柱

郭外仍有小柄

右錢洪志附外國品末志曰張台曰大中十有一年河西節度使張議譚進玉錢一枚時不宣下其文字輕重世莫得而聞也 按此品以玉錢故列諸玉錢之首




右漢玉鎮庫錢見宋龍大淵等淳熙古玉圖譜云右錢玉色纖白無瑕錢文四字曰長樂萬年小篆書聞掌帑藏內侍云內庫中有錢匣一長二尺有奇闊半之高八寸內藏諸種玉錢或漢或唐咸有標誌其不可攷者概以古玉誌之匣以銀鑄成旁有淳化年號蓋皇朝太宗時平定孟蜀所得者 按圖譜云此錢圓六寸一分今以建初尺計之徑三寸六分以宋三司布尺計之僅三寸皆不相應圖殆略具形似耳今按其圖摹之以備一種





右漢玉鎮庫錢玉色甘青瑤斑毫無瑕小篆文四字曰萬壽無



疆





右漢玉鎮庫錢玉色淡碧無瑕小篆文四字曰太平國寶





右漢玉鎮庫錢玉色淡黃無瑕小篆文四字曰天祿永昌



右漢玉鎮庫錢玉色甘黃無瑕小篆文四字曰千秋萬歲




右漢玉鎮庫錢玉色瑩白微紅漢隸書四字曰洪福齊天




右古玉鎮庫錢小篆文四字曰鎮安萬寶此錢并下三品不知



何代但標誌題以古玉云





右古玉鎮庫錢玉色翠碧無瑕草書四字曰鎮安萬寶




右古玉鎮庫錢玉色甘青無瑕隸書四字曰鎮安萬寶




右古玉鎮庫錢玉色瑩白無瑕楷書四字曰鎮安萬寶



右唐玉鎮庫錢玉色瑩白無瑕隸書萬歲通天四字紀元錄云
萬歲通天唐之偽周武曌之紀年也此錢乃其所制歟





右古玉鎮庫錢玉色微青白文曰元亨利貞標誌上題唐玉或以錢文為楷書耳



右古玉九府壓勝錢刀長六寸六分錢圓圓徑五寸四分厚三分四厘玉色瑩白無瑕錢刀之上琢刻篆文四字曰金刀上幣制作之工漢人所作也 按此品一面為劍脊形上如竹節首刻雲頭一面有九府錢刀四字本書皆不注分寸亦不

相應





右古玉貨布錢長二寸一分闊一寸四分厚三分五厘玉色瑩

白無瑕錢面琢刻篆文二字曰貨布制作美妙非漢不能

按此品與莽布形不相類以建初尺計之長二寸六分首長



六分廣八分半肩廣一寸四分足廣一寸九分而岐岐間上

廣四分下廣六分原文未晰並注之





右古玉泉布錢長二寸三分闊一寸四分厚三分一釐玉色翠


碧無瑕篆文二字曰泉布





右古玉泉貨錢玉色如前面篆二字曰泉貨二錢蓋一時物也
 按二品似所謂傳形者但文皆正篆大抵本圖多未可據
 姑仍之




右漢玉厭勝五銖錢二品一摹有雙柱玉色甘黃無瑕書二字
 曰五銖臣謹按泉志云五銖漢錢也以其錢圓重可五銖故
 云此錢暨下大泉五十等皆倣漢制者也





右漢玉壓勝貨泉錢玉色翠碧無瑕篆書二字曰貨泉





右漢玉大泉五十錢文曰大泉五十





右漢玉大泉直百錢玉色瑩白無瑕篆文四字曰大錢直百云
按漢無大泉直百之錢文昭烈泉曰直百五銖或曰直百
此亦廣託也




右漢玉明月錢篆書二字曰明月錢譜列此錢不知年代品而
此錢標題為漢錢似不可解 按標識題漢玉明月錢謂以
漢玉刻此錢文耳非即以為漢錢也




右漢玉壓勝藕心錢長二寸四分方一寸六分厚一寸二分形
如切藕中空有孔可以貫繩四周俱無文字玉色碧無瑕
按此錢原圖二品今錄其一





右古玉公主撒帳錢五方玉色瑩白無瑕錢體分為五瓣每瓣
 琢刻一字皆祝嘏之辭曰長命守富貴按漢宮故事云漢武
 帝納李夫人帝與夫人同坐百子流蘇帳內命宮人以金盤
 盛玉錢寶果撒帳四隅帝與夫人以衣裾承接以邀吉利錢
 上皆琢刻吉利之辭以後公主出降奩具中必有撒帳玉錢
 千枚即此 按此云撒帳與洪氏引舊譜說異而可備一說




右古玉公主撒帳錢五瓣大小玉色同前錢文曰借老享天福





右古玉公主撒帳錢玉色甘黃無瑕文曰多福多男子





右古玉公主撒帳錢大小厚薄如前惟玉色翠碧無瑕錢文五
字曰萬年享天福




右古玉公主撒帳錢玉色甘青無瑕錢文字曰福祿同山海




右古玉公主撒帳錢玉色微紅無瑕錢文五字曰壽算共天長




右古玉洗兒錢玉色甘青無瑕錢文四字曰福祿攸同謹按開元遺事宮中每皇子生三日則賜玉錢犀果以為洗兒之慶每賜近臣外戚云即此錢也錢文亦皆祝嘏之辭




右古玉洗兒錢玉色翠碧無瑕錢文四字曰食祿萬鍾




右古玉洗兒錢玉色瑩白無瑕錢文四字曰福履綏之



右古玉洗兒錢錢文四字曰壽山福海





右古玉洗兒錢玉色微紅白錢文四字曰受天百祿



右古玉洗兒錢玉色甘黃無瑕錢文四字曰福壽康寧以上玉

錢見龍大淵等淳熙勅編古玉圖譜中凡四十有一品編此書者文圖多不相應考証亦疏原不足據持以所列皆玉錢自來譜錢諸家多不著錄圖尚略存大概亦可以備一種為錄其文三十三品間為疏證附洪志沙洲玉錢之後






穀其文三十三品開錄前錄補其去好附王鏡之券

白來韻益韻家不香繪圖尚翻并大琳衣可似前一蘇派

書香文圖卷不昧飄香瑤衣起風不且對林以恒以皆王鏡

從是始大勝善高州陳勝古正圖前中 從曾孫文蔚校刊



1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

